



PARS I.

De Germania Provinciis.

In prima hac parte agemus primò de veteri, dein etiam de hodierna Germania generatim, ac demum speciatim de præcipuis Germaniæ Statibus.

CAPUT I.

De veteri Germania.

§. I.

De situ veteris Germaniæ, ejusque partibus potioribus.

I. Quæ veteris erat Germania facies?

Quantum quidem ex Historiographis compertum est, erat olim Germania regio amplissima; sed hinc sylvis vastissimis; illinc locis palustribus, alibi asperis montium jugis impedita. Neque ab horrido & inculto terræ ingenio abundabant incolarum mores.

II. Quæ antiquorum Teutonum origo?

De hac certi nihil ferè constat, idoneorum auctorum defectu. Quippe veteres Germaniæ populi de literis parùm, aut nihil solliciti, nihil admodum ad posterorùm memoriam scripto reliquerunt. Ceterùm Tuiskonem & Gigantem & Næmi filium post diluvium in terras has immigrasse inter fabulas haud immeritò numeratur. Propius veritati est illorùm opinio, qui Teutones primos ex Scythis, Dacia, Pannonia profectos fuisse perhibent ex probabili conjectura, quæ existimant post Babylonicam linguarum confusionem populos in diversa abiisse non è vestigio, & catervatim, sed sen-